

**Ukununnga siunnersuutit: Suliassani Kalaallit Nunaannut tunngassutilinni pisortat ingerlatsinerat pillugu inatsisip atuutilersinneqarneranik peqqussummik aamma Allagaatinik il.il. paasitinneqarsinnaatitaaneq pillugu inatsisitigut aalajangersakkat assigiinngitsut allannguutaat pillugit inatsisip ilaasa Kalaallit Nunaanni atuutilersinneqarnissaannik peqqussummik Kalaallit Nunaanni Namminersorlutik Oqartussat akuersinerat pillugu Inatsisartut aalajangiinerat.**

### **Saqqummiussissut**

(Naalakkersuisut Siulittaasuat)

### **Siullermeerneqarnera**

Aallaqqaasiullugu oqaatigineqassaaq Suliassani Kalaallit Nunaannut tunngassutilinni pisortat ingerlatsinerat pillugu inatsisip atuutilersinneqarneranik peqqussutip assinga 2016-imi ukiakkut ataatsimiinnermi suliarineqartussanngorlugu Inatsisartunut saqqummiunneqarnikoq. Siunnersuut siullermeerneqarnerani tunuartinneqarpoq.

Naalagaaffimmi oqartussat qinnuigivinnippot Suliassani Kalaallit Nunaannut tunngassutilinni pisortat ingerlatsinerat pillugu inatsisip atuutilersinneqarneranik peqqussut aamma Allagaatinik il.il. paasitinneqarsinnaatitaaneq pillugu inatsisitigut aalajangersakkat assigiinngitsut allannguutaat pillugit inatsisip ilaasa Kalaallit Nunaanni atuutilersinneqarnissaannik peqqussut Namminersorlutik Oqartussat akuerissagaat.

Peqqussutissatut missingiutit, aalajangiiffigisassatut siunnersuutip Inatsisartunut saqqummiunneqannginneranni piffissami 23. decembari 2016-imiit 30. januar 2017-imut tamanut tusarniutigineqarput. Tusarniaanermi akissutit arfineq pingasut tiguneqarput, taakkulu naalagaaffimmi oqartussanit suliarineqarput. Naalagaaffimmi oqartussat ilisimatitsissutigaat, tusarniaanermi akissutit peqqussutissat allanngortinneqarnissaannik kinguneqanngitsut.

Aalajangiiffigisassatut siunnersuut Inatsisartut akuerissappassuk, Danmarkimi pisortat ingerlatsinerat pillugu inatsisip naalagaaffiup Kalaallit Nunaanni oqartussaannut atuutilersinneqarneranik kinguneqassaaq. Pisortat ingerlatsinerat pillugu Inatsisartut inatsisaat allanngortinnagu Kalaallit Nunaanni oqartussat atussavaat.

Naalakkersuisut aalajangiiffigisassatut siunnersuummut oqaaseqaatissaqanngillat.

Taamatut oqaaseqarlunga aalajangiiffigisassatut siunnersuut Inatsisartunut suliassanngortippara.